



大唐三藏聖教序

太宗文皇帝製

蓋聞二儀有像顯覆載以含生四時  
元形潛寒暑以化物是以窺天鑑地  
庸愚皆識其端明陰洞陽賢括罕窮  
其數然而天地苞乎陰陽而易識者  
以其有像也陰陽處乎天地而難窮  
者以其無形也故知像顯可徵雖愚  
不惑形潛莫覩在智猶迷况乎佛道  
崇虛乘幽控寂弘濟万品典御十方  
舉威靈而无上抑神力而无下大之  
則弥於宇宙細之則攝於毫釐无滅  
無生歷千劫而不古若隱若顯運百  
福而長今妙道凝玄遵之莫知其際  
法流湛寂挹之莫測其源故知蠢蠢  
凡愚區區庸鄙投其旨趣能无疑惑  
者哉然則大教之興基乎西土騰漢  
庭而皎夢照東域而流慈昔者分形  
分跡之時言未馳而成化當常現常  
之世民仰德而知遵及乎晦影歸真  
遷儀越世金容掩色不鏡三千之光  
履象開圖空端四八之相於是微言

王法正理論

第三張

廣聖

廣被極含類於三途遺訓遐宣導群  
生於十地然而真教難仰莫能一其  
旨歸曲學易遵邪正於焉紛糾所以  
空有之論或習俗而是非大小之乘  
乍泐時而隆替有玄奘法師者法門  
之領袖也幼懷貞敏早悟三空之心  
長契神情先苞四忍之行松風水月  
未足比其清華仙露明珠誰能方其  
朗潤故以智通无累神測未形超六  
塵而迥出隻千古而無對凝心內境  
悲正法之陵遲拯孤慮玄門慨深文之  
訛謬思欲分條析理廣彼前聞截偽  
續真開茲後學是以翹心淨土往遊  
西域乘危遠邁杖策孤征積重晨飛  
途間失地驚砂夕起空外迷天万里  
山川撥煙霞而進影百重寒暑躡霜  
露而前蹤誠重勞輕求深願連周遊  
西宇十有七年窮歷道邦詢求正教  
雙林八水味道飡風鹿苑鷲峰瞻奇  
仰異承至言於先聖受真教於上賢  
探蹟妙門精窮奧業一乘五律之道  
馳驟於心田八藏三篋之文波濤於  
口海爰自所歷之國摠將三藏要文

王法正理論 第三張 聖字

凡六百五十七部譯布中夏宣揚勝  
 業引慈雲於西極注法雨於東垂聖  
 教歟而復全蒼生罪而還福濕火宅  
 之乾燄共拔迷途朗愛水之昏波同  
 臻彼岸是知惡因業墜善以緣昇昇  
 墜之端惟人所託辟夫桂生高嶺雲  
 露方得滋其華蓮出淥波飛塵不能  
 汙其葉非蓮性自潔而桂質本貞良  
 由所附者高則微物不能累所憑者  
 淨則濁類不能沾夫以卉木無知猶  
 資善而成善况乎人倫有識不緣慶  
 而求慶方冀茲經流施將日月而无  
 窮斯福遐敷與乾坤而永大

皇太子臣治述 聖記

夫顯揚正教非智無以廣其文崇闡  
 微言非賢莫能定其旨蓋真如聖教  
 者諸法之玄宗衆經之軌躡也綜括  
 宏遠與旨遐深極空有之精微體生  
 滅之機要詞茂道曠尋之者不究其  
 源文顯義幽履之者莫測其際故知  
 聖慈所被業無善而不臻妙化所敷  
 緣无惡而不剪開法網之網紀弘六  
 度之正教拯群有之塗炭啓三藏之

王法正理論 第四張 聖字

秘局是以名无翼而長飛道無根而  
 永固道名流慶歷遂古而鎮常赴感  
 應身經塵劫而不可晨鍾夕梵交二  
 音於鷲峯慧日法流轉雙輪於鹿苑  
 排空寶蓋接翔雲而共飛莊野春林  
 與天花而合彩伏惟

皇帝陛下 上玄資福垂拱而治八  
 荒德被黔黎綬衽而朝万国恩加朽  
 骨石室歸貝葉之文澤及昆蟲金匱流  
 梵說之偈遂使阿耨達水通神甸之八  
 川耆闍崛山接嵩華之翠嶺竊以法  
 性凝寂靡歸心而不通智地玄奧感  
 懇誠而遂顯豈謂重昏之夜燭慧炬之  
 光火宅之朝降法雨之澤於是百川異  
 流同會於海万區分義認成乎實豈  
 與湯武拔其優劣充舜比其聖德者  
 哉玄奘法師者夙懷聰令立志夷簡神  
 清齒亂之年體拔浮華之世凝情定  
 室匿迹幽巖栖息三禪巡遊十地超  
 六塵之境獨步迦維會一乘之旨隨機  
 化物以中華之无貫尋印度之真文遠  
 涉恒河終期滿字類登雪嶺更獲半  
 珠問道往還十有七載備通釋典利物

王法正理論 第五張 聖字

為心以貞觀十九年二月六日奉  
 勅於弘福寺翻譯聖教要文凡六百五  
 十七部引大海之法流洗塵勞而不  
 竭傳智燈之長燄皎幽闇而恒明自非  
 久植勝緣何以顯揚斯旨所謂法相  
 常住齊三光之明 我皇福臻同二儀之  
 固伏見御製衆經論序照古騰今理含  
 金石之聲文包風雲之潤治輒以輕塵  
 足岳墜露添流略舉大經以為斯記

王法正理論

弥勒菩薩造

三藏法師玄奘奉

詔譯

如佛世尊為出愛王所說經言彼王  
 一時往詣佛所頂礼佛足自言世尊  
 有一沙門若婆羅門來至我所以不  
 真實過失現前呵諫於我我於余時  
 其心不生悔惱憂感何以故觀此過  
 失於我自身都不見故又有沙門若  
 婆羅門來至我所以不真實功德現  
 前讚勸於我我於余時心亦不生歡  
 喜踴躍何以故觀此功德於我自身  
 都不見故彼諸沙門及婆羅門既退  
 還已我便獨處空閑靜室生如是心

籌量尋伺我當云何了知諸王真實  
過失真實功德若我知者當捨其失  
爰修其德誰有沙門或婆羅門能了  
諸王真實過失真實功德亦能為我  
廣開示者既尋伺已便作是念唯我  
世尊一切知者一切見者定當了知  
諸王所有真實過失真實功德我今  
當往佛世尊所請問斯義故我今者  
采至佛所請決是義唯願如來為我  
開示世尊云何諸王真實過失云何  
諸王真實功德作是請已  
尔時世尊告出愛王曰大王大王今  
者應當了知王之過失王之功德王  
棄捨門王方便門王可愛法及能引  
發王可愛法  
云何名為王之過失大王當知王過  
失者略有九種王若成就如是過失  
雖有大府庫有大輔佐有大軍衆不  
可歸仰何等為九一不得自在二立  
性暴惡三猛利憤發四恩惠奢薄五  
受邪佞言六所作不思不順儀則七  
不願善法八不知老別妄所作恩九  
一向縱任專行放逸

云何名王不得自在謂有國王志性  
不強所為軟弱為諸大臣輔相國師  
群官所制不隨所欲作所應作錫賚  
群臣於妙五欲歡娛遊戲亦不如意  
如是名王不得自在  
云何名王立性暴惡謂有國王諸群  
臣類或餘人等隨於一處現行少小  
不如意事即便對面擯黜發廢惡言  
咆勃忿恚頻感而住時生憤發設不  
對面背彼向餘而作於前擯罵等事  
設不對面亦不肯彼向餘而作於前  
黜罵等事然唯內意憤恚懷懷惱  
害心懷怨恨心然不長時持憤恚心  
相續不捨復有內意憤恚懷懷惱  
害心懷怨恨心亦於長時持憤恚心  
相續不捨由如是相對面暴惡背而  
暴惡懷恚暴惡暫時暴惡長久暴惡  
如是名王立性暴惡大王當知長久  
暴惡名為大過非是餘者  
云何名王猛利憤發謂有國王諸群  
臣等有小愆過有少違越便削封祿  
棄去妻妾或以重罰而形罰之如是  
名王猛利憤發

云何名王恩惠奢薄謂有國王諸群  
臣等供奉侍衛雖極清淨善稱其心  
而以微劣軟言而慰喻之頒賜爵祿  
酬賞勳庸不能圓滿不順常式或損  
耗已或稽留已或推注已或怨恨已  
然後方與如是名王恩惠奢薄  
云何名王受邪佞言若有國王諸群  
臣等實非聰敏詐現聰敏貪濁偏黨  
不關憲式情懷謀叛不修善政聽受  
信用如是輩人所進諫議由此因緣  
王務財寶名稱善政並皆棄捨如是  
名王受邪佞言  
云何名王所作不思不順儀則謂有  
國王不能究察不審究察不能思擇  
不審思擇諸群臣輩於彼彼務機密  
事中之不堪委任而委任之堪委任者  
而不委任堪驅役者而不驅役不堪  
役者乃驅役之應賞賚者而刑罰之  
應刑罰者而賞賚之又於群臣不善  
安處先王儀則由此群臣處大朝會  
餘論未終發言間絕不敬不憚而興  
諫諍不如言教而善奉行不正安住  
王之教命如是名王所作不思不順

儀則

三法正理論

卷第六

第十張

云何名王不願善法謂有國王不信他世亦不曉悟由於他世不信不悟便於當來善不善業愛非愛果不能信解不信解故无有著耻隨情造作身語意業三種惡行不能時時布施修福受齋學戒如是名王不願善法云何名王不知差別忘所作恩謂有國王於諸大臣輔相國師及群官等其心顛倒不善了知忠信伎藝智慧差別以不知故非忠信所生忠信想於忠信所非忠信想無伎藝所生伎藝想有伎藝所无伎藝想於惡慧所生善慧想於善慧所生惡慧想彼由如是心顛倒故於非忠信无有伎藝惡慧臣所敬重愛養忠信伎藝善慧臣所反生輕賤又諸臣等年耆衰邁曾於長夜供奉侍衛知其無勢无力無勇遂不敬愛不賜爵祿不酬其賞設被陵蔑捨而不問如是名王不知差別忘所作恩

云何名王一向縱任專行放逸謂有國王於妙五欲一向沉沒耽著嬉戲

三法正理論

第十張

第十張

愛樂受行不能時時勗勵方便作所應作勞資群臣如是名王一向縱任專行放逸若有國王成就如是九種過失雖有大府庫有大輔佐有大軍衆而不可歸仰大王當知此九過失是王自性之過失也

云何名為王之功德大王當知王功德者略有九種王若成就如是功德雖无大府庫無大輔佐无大軍衆而可歸仰何等為九一得大自在二性不暴惡三憤發輕微四恩惠猛利五受正直言六所作諦思善順儀則七願慈善法八善知差別知所作恩九不自縱任不行放逸

云何名王得大自在謂有國王自隨所欲作所應作勞資群臣於妙五欲歡娛遊戲於諸大臣輔相國師群臣等所凡出教命宣布无礙如是名王得大自在

云何名王性不暴惡謂有國王諸群臣等隨於何處雖行增上不如意事性能容忍不現擯黜不發廢言亦不咆勃廣說乃至不生憤發亦不對面

三法正理論

第十張

第十張

亦不背面而作前事亦不內意秘匿忿纏亦不長夜蓄惡憤心相續不捨不現暴惡不背暴惡不匿暴惡不久暴惡如是名王性不暴惡

云何名王憤發輕微謂有國王諸群臣等雖有大德有大建越而不一切削其封祿奪其妻妾不以重罰而刑罰之隨過輕重而行黜罰如是名王憤發輕微

云何名王恩惠猛利謂有國王諸群臣等正直現前供奉侍衛其心清淨其心調順於時時中以正圓滿軟言慰喻具足頒錫爵祿勳庸而不令彼損耗稽留劬勞怨恨易可供奉不難承事如是名王恩惠猛利

云何名王受正直言謂有國王諸群臣等實有聰敏无聰敏慢无濁無偏善閑惡式情无違叛樂修善法聽受信用如是輩人所進言議由此因緣國務財寶名稱善法皆悉增感如是名王受正直言

云何名王所作諦思善順儀則謂有國王性能究察能審究察性能思擇

能審思擇諸群臣等於彼彼務機密  
事不堪委任而不委任堪委任者  
而委任之不堪役者而不驅役堪驅  
役者乃驅役之應賞資者而正賞資  
應刑罰者而正刑罰凡有所為審思  
審擇然後方作而不率暴又於群臣  
能善安處先王儀則由此群臣雖處  
讎會終不發言間絕餘論要待言終  
恭敬畏憚而興諫諍如其有教而善  
奉行能正安住王之教命如是名王  
所作諦思善順儀則

云何名王願戀善法謂有國王信知  
他世由信善故便於當來淨不淨業  
愛非憂果能善信解由信解故具足  
慙耻而不縱情作身語意三種惡行  
時時思擇布施修福受齋學戒如是  
名王願戀善法

云何名王善知差別知所作恩謂有  
國王於諸大臣輔相國師及群臣等  
心無顛倒能善了知忠信伎藝智慧  
差別若諸群臣忠信伎藝及與智慧  
若有若無並如實知於其无者輕而  
遠之於其有者敬而愛之而正攝受

又諸臣等年耆衰邁曾於長夜供奉  
侍衛雖知无勢無力无勇然念昔恩  
轉懷敬愛而不輕賤爵祿勳庸分賞  
無替如是名王善知差別知所作恩  
云何名王不自縱任不行放逸謂有  
國王於妙五欲而不沉沒耽著嬉戲  
愛樂受行能於時時勸勵方便作所  
應作勞資群臣如是名王不自縱任  
不行放逸若王成就如是功德雖無  
大府庫无大輔佐無大軍衆而可歸  
仰大王當知如是九種王之功德是  
王自性之功德也

云何名為王衰損門大王當知王衰  
損門略有五種一不善觀察而攝群  
臣二雖善觀察而攝群臣無恩妙行  
縱有非時三專行放逸不思機務四  
專行放逸不守府庫五專行放逸不  
修法行如是五種皆名為王衰損  
門云何名王不善觀察而攝群臣謂  
有國王於群臣等不能究察不審究  
察不能思擇不審思擇忠信伎藝智  
慧差別攝為親侍加以寵愛厚賜爵  
祿重賞勳庸取機密處而相委任數

以軟言現為慰喻然此群臣所付財  
寶多有損費若遇怨敵惡友軍陣彼  
先退敗恐懼破散為他所勝遲留人  
後奔北無戀矯行惡策動勵王政如  
是名王不善觀察而攝群臣云何名  
王雖善觀察而攝群臣无恩妙行縱  
有非時謂有國王雖於群臣性能究  
察能審究察性能思擇能審思擇忠  
信伎藝智慧差別攝為親侍而不寵  
愛不如其量具賜爵祿取機密處亦  
不委任不數軟言現相慰喻彼於一  
時王遇怨敵惡友軍陣廣說乃至大  
怖畏事命難現前亦時於臣方行寵  
愛廣說乃至數以軟言而相慰喻時  
群臣等共相謂曰王於今者危迫因  
緣方於我等暫行妙行非長久心知  
此事已雖有忠信伎藝智慧隱而不  
現如是名王雖善觀察而攝羣臣无  
恩妙行縱有非時

云何名王專行放逸不思機務謂有  
國王於應和好所作所成機務等事  
而不時時獨處空閑或與智者共正  
思惟稱量觀察和好方便如是於應

王法正理論 第十五張 壁字

乖絕所作所成機務等事於應惠施所作所成機務等事於應軍陣所作所成機務等事於應攝受大力朋黨所作所成機務等事皆不時時獨處空閑或與智者共正思惟稱量觀察乖絕方便乃至攝受強黨方便如是名王專行放逸不思機務

云何名王專行放逸不守府庫謂有國王廣營事業拙營事業不持事業不觀事業不禁王門不禁宮門不禁府庫或於俳優伎樂笑弄倡逸等所或復耽樂博弈戲等非量損費所有財寶如是名王專行放逸不守府庫云何名王專行放逸不修法行謂有國王於世所知柔和淳質聰慧辯才得理解脫巧便无害樂無害法所有沙門若婆羅門不能數往礼敬諮詢云何為善云何不善云何有罪云何无罪作何等業能致吉祥遠離諸惡設得聞已亦不勸勵如說修行不能時時惠施樹福受齋學戒如是名王專行放逸不修法行若有國王成就如是五衰損門當知此王退失現法

王法正理論 第十六張 壁字

後法義利謂前四門退現法利最後一門退後法利

云何名為王方便門大王當知王方便門略有五種何等為五一善觀察攝受群臣二能以時行恩妙行三無放逸專思機務四无放逸善守府庫五無放逸專修法行

云何名王能善觀察攝受群臣謂有國王於群臣等性能究察能審究察性能思擇能審思擇忠信伎藝智慧差別攝為親侍如是名王能善觀察攝受群臣

云何名王能善以時行恩妙行謂有國王於諸群臣善觀察已攝為親侍加以寵愛隨其度量厚賜爵祿重賞勲庸密機密處而相委任數以軟言現相慰喻彼於一時王遇怨敵惡友軍陣大怖畏事命難現前即便整竭顯亦忠信伎藝智慧如是名王能善以時行恩妙行

云何名王無有放逸專思機務謂有國王於應和好所作所成機務等事能於時時獨處空閑或與智者共正

王法正理論 第十七張 壁字

思惟稱量觀察和好方便如是於應乖絕所作所成機務等事於應惠施所作所成機務等事於應軍陣所作所成機務等事於應攝受大力朋黨所作所成機務等事皆能時時獨處空閑或與智者共正思惟稱量觀察乖絕方便乃至攝受強黨方便如是名王無有放逸專思機務

云何名王无有放逸善守府庫謂有國王廣營事業巧營事業善持事業善觀事業善禁王門善禁宮門善禁府庫又於俳優伎樂笑弄倡逸等所不以非量而費財寶亦不耽樂博弈戲等如是名王無有放逸善守府庫云何名王無有放逸專修法行謂有國王放世所知柔和淳質聰慧辯才得理解脫巧便无害樂無害法所有沙門若婆羅門而能數往礼敬諮詢云何為善云何不善云何有罪云何无罪作何等業能致吉祥遠離諸惡既得聞已善能勸勵如說修行亦能時時惠施樹福受齋學戒如是名王无有放逸專修法行若有國王成就

如走五方便門當知此王不退現法後法義利謂前四門不退現法所有義利取後一門不退後法所有義利

去何名王可愛法大王當知略有五種諸王可愛可樂可欣可意之法何等為五一世所敬愛二自在增上三能摧怨敵四善攝養身五能往善趣如是五種是王可愛可樂可欣可意之法

去何能引王可愛法大王當知略有五種能引諸王可愛之法何等為五一恩養世間二英勇具足三善權方便四正受境界五勤修法行

以實以時如理治罰如是名王以正化法恩養世間由王受行如是恩養世間法故遂感世間之所敬愛

去何名王英勇具足謂有國王計策無備武略圓滿未降伏者而降伏之已降伏者而攝護之廣營事業如前乃至不甚耽樂博奕戲等又善觀察應與不應勤於僚庶應刑罰者正刑罰之應攝養者正攝養之如是名王英勇具足由王受行如是英勇具足法故遂能感得自在增上

去何名王善權方便謂有國王於應和好所作所成機務等事如前乃至於應攝受大力朋黨所作所成機務等事能正了知和好方便乃至攝受強黨方便如是名王善權方便由王受行如是善權方便法故遂能摧伏所有怨敵

去何名王正受境界謂有國王善能籌量府庫增減不吝不恆平等自處清正受用眾雜受用勝妙受用隨其時候所宜受用與諸臣佐親屬受用在於勝處而為受用奏諸伎樂而為

受用無有憊失而為受用无憊失者謂疾惱時應食所宜避所不宜於康豫時消已方食若食未消或食而利皆不應食應共食者正現在前不應獨食精妙上味詭擯餘人如是名王正受境界由王受行如是正受境界法故遂能善巧攝養自身

去何名王勤修法行謂有國王具足淨信戒聞捨慧

去何名王具足淨信謂有國王信解他世信解當來淨不淨業及愛非愛果與異熟如是名王具足淨信

去何名王具足淨戒謂有國王遠離煞生及不與取姦欲邪行妄語飲酒諸放逸處如是名王具足淨戒

去何名王具足淨聞謂有國王於現法義於後法義及於現法後法等義眾妙法門善聽善受習誦通利專意研究善見善達如是名王具足淨聞

王法正理論

第二十五張

壁字五

如是名王具足淨捨

去何名王具足淨慧謂有國王如實了知善不善法有罪無罪修與不修勝劣黑白於廣分別諸緣生法亦如實知縱令失念生惡貪欲瞋恚忿恨覆惱慳嫉幻誑諂曲无慙無愧惡欲惡見而心覺悟並不堅住如是名王具足淨慧如是名王勤修法行由王受行此法行故能往善趣如是五種能引發王可愛之法能引諸王現法後法所有利益謂初四種能引發王現法利益取後一種能引發王後法利益

復次大王當知我已略說王之過失王之功德王衰損門王方便門王可愛法及能引發王可愛法是故大王應當修學王之過失宜當遠離王之功德宜當修習王衰損門宜當遠離王方便門宜當修學王可愛法宜當希慕能引發王可愛之法宜當受行大王若能如是修學當獲一切利益安樂

無自利行无利他行名為下士有自利行无利他行有利他行無自利行名為中士有自利行有利他行名為上士  
復有四種補特伽羅或有行惡而非樂惡或有樂惡而非行惡或有行惡亦復樂惡或非行惡亦非樂惡若信諸惡能感當來非愛果報由失念故或放逸故近惡友故造作惡行是名行惡而非樂惡若先世來串習惡故喜樂諸惡惡欲所牽彼由親近善丈夫故聞正法故如理作意為依止故見諸惡行能感當來非愛果報自勉自勵遠離諸惡是名樂惡而非行惡若性樂惡而不遠離是名行惡亦復樂惡若有為性不樂諸惡亦能遠離名非行惡亦非樂惡此中行惡亦樂惡者是名下士若有行惡而非樂惡或有樂惡而非行惡是名中士若非行惡亦非樂惡是名上士  
復有三五一重受欲二重事務三重正法初名下士次名中士後名上士  
復有三種補特伽羅一以非事為自

王法正理論

第二十五張

壁字五

事二以自事為自事三以他事為自事若行惡行以自存活名為非事為自事若修惡行修行善行名為自事為自事若諸菩薩以他事為自事等初名下士次名中士後名上士  
又諸國王有三圓滿謂果報圓滿士用圓滿功德圓滿若諸國王生富貴家長壽少病有大宗業成就俱生聰利之慧是王名為果報圓滿若諸國王善推方便所攝持故恒常成就圓滿英勇是王名為士用圓滿若諸國王任持正法名為法王安住正法名為大王與內宮王子群臣英傑豪貴國人共修惠施樹福受齋堅持禁戒是王名為功德圓滿果報圓滿者受用先世淨業果報士用圓滿者受用現法可愛之果功德圓滿者亦於當來受用圓滿淨業果報若有國王三種圓滿皆不具足名為下士若有果報圓滿或士用圓滿或俱圓滿名為中士若三圓滿不具足名為上士  
復有三臣一有忠信無伎能智慧二有忠信伎能无智慧三具忠信伎能

智慧初名下士次名中士後名上士若不忠信無有伎能亦无智慧當知此臣下中之下

又有四語一非愛似愛二愛似非愛三非愛似非愛四愛似愛諸有語言辭句善順然非所宜是名初語或有語言辭句勃逆然是所宜是第二語或有語言辭句勃逆亦非所宜是第三語或有語言辭句善順亦是所宜是第四語若有宣說非愛似非愛非愛似愛語者是下士若有宣說愛似非愛語者是中士若有宣說愛似愛語者是上士

復有三種受諸欲者或有受欲非法猛浪積集財寶不能安樂正養己身及與妻子廣說乃至不於沙門婆羅門所修殖福田或有受欲以法或非法猛浪或非積集財寶能以安樂正養己身妻子眷屬及知友等不於沙門婆羅門所修殖福田或有受欲一向以法及不猛浪積集財寶能以安樂正養己身廣說乃至能於沙門婆羅門所修殖福田此三種中初名下

士次名中士後名上士

復有三人一者有人貪染而食愛著饕餮乃至耽湏不見過患不知出離二者有人思擇而食不染不著亦不饕餮吞吸迷悶堅住耽湏深見過患善知出離而於此食未斷未知三者有人思擇而食不生貪染廣說乃至深見過患善知出離又於此食已斷已知初名下士次名中士後名上士復依施物說有三人一者有人所施之物但具妙香不具美妙味之與觸二者有人所施之物具妙香味而無妙觸三者有人所施之物具足美妙香味與觸初名下士次名中士後名上士

又依施田說有三人一者有人於愛於恩而行惠施二者有人於貧苦田而行惠施三者有人於具功德寂勝福田而行惠施初名下士次名中士後名上士復有差別施於所愛名為下士施於有恩名為中士施於貧苦具德勝田名為上士又依施心說有三人一者有人將欲

惠施先心歡喜正惠施時心不清淨惠施已後尋復追悔二者有人先心歡喜施時心淨施已追悔三者有人先心歡喜施時心淨施已无悔初名下士次名中士後名上士

復於受持戒福業事建立三人一者有人但離一分非一切時常能遠離唯自遠離不勸他離亦不讚美見同法者心不歡喜是名下士二者有人離一切分一切時離唯自遠離不勸他人亦不讚美見同法者心不歡喜是名中士三者有人一切俱現是名上士

又於受持禁戒處所建立三人一者有人住惡說法毗奈耶中受持禁戒二者有人住善說法毗奈耶中受持禁戒而有缺漏三者有人即住於此受持禁戒而不缺漏初名下士次名中士後名上士又於受持戒心建立三人一者有人為活命故受持禁戒二者有人為生天故受持禁戒三者有人為涅槃故受持禁戒初名下士次名中士後名

上士

王法正理論 第七七張 碑字

又於受持別解脫律儀說有三人一者有人唯能受持近住律儀二者有人亦能受持近事律儀三者有人亦能受持苾芻律儀初名下士次名中士後名上士

又於受持苾芻律儀說有三人一者有人唯能成就受具足支无受隨法諸學處支亦無隨護他人心中支亦无隨護如先所受諸學處支二者有人成前三支无後一支三者有人具成四支初名下士次名中士後名上士又有三人一者有人唯成就別解脫律儀二者有人成別解脫靜慮律儀三者有人成別解脫靜慮无漏三種律儀初名下士次名中士後名上士又有三人一者有人唯能成就非律儀非不律儀攝所受戒律儀二者有人亦能成就聲聞等相應所受戒律儀三者有人亦能成就菩提薩埵所受戒律儀初名下士次名中士後名上士

復依修習思惟方便建立三人一者

王法正理論 第七七張 碑字

有人唯得勵力運轉思惟二者有人有間運轉設得無間要作功用方能運轉三者有人已得成就任運思惟初名下士次名中士後名上士又依已得修差別故建立三人一者有人已得內心奢摩他定未得增上慧法毗鉢舍那二者有人已得增上慧法毗鉢舍那未得內心奢摩他定三者有人俱得二種初名下士次名中士後名上士

又有三人一者有人已得有尋有伺三摩地二者有人已得无尋唯伺三摩地三者有人已得無尋无伺三摩地初名下士次名中士後名上士又依住修差別建立三人一者有人住染汙靜慮二者有人住世間清淨靜慮三者有人住无漏靜慮初名下士次名中士後名上士

王法正理論一卷

王法正理論

校勘記

- 一 底本，金藏廣勝寺本。
- 一 卷首兩篇序文，唯金藏有之，其內容同「顯揚聖教論卷第一」，諸本無。
- 一 六七二頁下一二行「三藏」，徑、清作「唐三藏」。
- 一 六七二頁下一二行第六字「獎」，諸本作「獎」。
- 一 六七二頁下一三行第一二字「言」，資、磧、晉、南作「者」。
- 一 六七三頁中一七行第三字「懊」，徑、清作「憤」。
- 一 六七三頁中二二行第一〇字「形」，諸本作「刑」。
- 一 六七四頁上九行「群官」，資、磧、晉、南、徑、清作「群臣」。
- 一 六七四頁中一七行「群臣」，石、資、磧、晉、南、徑、清作「群官」。
- 一 六七四頁中末行「亦不對面」，資、

- 一 六七八頁上一四行第三字「憂」，諸本作「愛」。
- 一 六七五頁上一九行第一三字「臣」，石作「官」。
- 一 六七五頁下一行末字「財」，資、磧、普、南、徑、清作「賜」。
- 一 六七五頁下四行第三字「北」，磧、普、南、徑、清作「散」。
- 一 六七六頁中一行「名王」，石作「君王」。
- 一 六七六頁中一六行第一〇字「住」，諸本作「任」。
- 一 六七六頁下一六行第三字「放」，諸本作「於」。
- 一 六七八頁上一二行「利益」，資、磧、普、南、徑、清作「利益利益」。
- 一 六七八頁中二一行第四字「王」，石、麗作「士」。
- 一 六八〇頁中末行「一卷」，資、磧、普、南、徑、清無。